

SITUASAUN MEDIA

Timor-Leste

REZUMU PESKIZANIAN

ABC
INTERNATIONAL
DEVELOPMENT



The Asia Foundation




KONABA PESKIZA

Estudu ida ne'e fornese pontu de vista detallus kona ba media iha Timor-Leste iha fulan ikus tinan 2023 nian. Peskiza ida ne'e buka hatene modelu operacional no negosiu husi kanál media, enkuadramentu legal sira, proposta programa governu nian sira mak fó impaktu ba media, infraestruturá relevante sira mak iha futuru mai ne'ebé sei signifíkantemente hasae konetividade dijital iha tinan 2024. Peskiza ida ne'e halo ho objetivu atu sai nu'udar fonte asesivel ba media, sosiedade sivil, no organizasaun relevante ne'ebe mak fo apoiu hodi hametin media iha Timor-Leste no metas dezvoltimentu nasional sira.



METODOLIJA

Estudu ida ne'e adopta aprosimasaun multi-métodu. Revizaun literature halo ba dokumentu sira mak publikamente asesivel hanesan política no lejlzasaun media iha Timor-Leste, infraestruturá media no kobertura sira, no mós lalaok konsumu audiénsia sira nian. Adisionalmente, iha entrevista semi-estruturadu mak halo ho respondente na'in 44: sira ne'e mak pratikante media sira, husi media konvensional no media komunitária nian, ofisiais komunikasaun iha media governu nian, representante husi organizasaun sosiedade sivil ne'ebé serbisu besik ho media.



DEZKOBREMENTU XAVI SIRA

1. Mediarepresenta povu nia lian

Tuir respondente sira, Timor-Leste nia media iha kometimentu atu kaptura 'lian povu nian' nu'udar dalan atu hato'o komunidadade nia perspetiva ba governu no esperiénsia kruza asuntu importante sira hodi informa polítika no foti desizaun nian. Praktikantes media utoan de'it mak hetan entrevista ba estudu ida ne'e, haree katak media nu'udar plataforma hodi empodera sidadaun liu husi fornese informasaun ka hasa'e konxiénsia públiku nian ba governu nia planu sira. Órgaun indústria media nian, maski nune'e, hanesan Konsellu Imprensa Timor-Leste, defini media nia papél bo'ot liután, englobe husu akuntabilidade ema sira mak foti desizaun nian, no advokasia ba direitu umanus sidadaun sira nian.

2. Ema asesu ba TV mak barak liu maibé radio sei domina liu iha komunidadade rural sira

Televizaun (TV) mak ema asesu frequentemente duke radio iha area urbana no rural, maibé radio continua sai nu'udar plataforma ida ne'ebé ema uza liuliu ba audiénsia sira mak la iha asesu ba televizaun. Liu husi triangulasaun dados husi Tatoli 2023 nia survey liga ho dados husi entrevista semi-estruturadu ho representante media nian sira hetan katak iha 65% husi amostra audiénsia nian (N=3,754) iha asesu ba televizaun no 32% asesu ba radio. Besik 32% mak asesu ba Facebook no 15% asesu ba YouTube.

3. Televizaun mak plataforma ida hetan fiar liu

Revizaun literature husi data mak bele asesu publikamente kona ba fiar ba media hetan katak, inklui Tatoli 2023 nia peskiza , hatudu katak TV mak sai nudar fontes media ne'ebe hetan fiar liu entre sidadaun sira, tuir fali mak Konselu de Suco/lideres lokal. Radio mak nudar fontes datolu mak hetan fiar liu. Audiénsia iha fatin rural sira barak liu, duke sira ne'ebe iha urbana nian, fiar ba lideransa Konselu de Sucos nudar fontes ba informasaun kredibel.

4. Insecure media workforce

Respondente hato'o kona ba sustentabilidade ekonomia nu'udar dezafiu bo'ot liu ba media, ho operasaun ki'ik sira mak depende de'it ba traballadór voluntáriu sira. Radiofuzora sira, inklui radio komunidadade – to'o nivel balun depende de'it ba fundu governu nian no subsidiu sira. Ida ne'e relata nu'udar razaun xavi hodi selu saláriu ki'ik iha setór media nian, no kontributor ida ba dezafiu hodi mantein direitu traballadór media nian. Tan inserteza iha setór media nian, sempre iha jornalista barak mak husik hela serbisu media nian. Nu'udar konsekuénsia, dezenvolve no sustentabilidade jornalista no editor sira nian signifkantemente sempre hasoru dezafiu.





5. Dezafiu bo'ot iha indústria media nian hodi halo balansu reportajen

Respondente media sira nota katak media iha Timor-Leste nia kobertura domina liu ho enkuadramentu estereótipu jéneru, dala barak atribui kulpa ba feto ba disputa família nian kobertura mínimu ba papél mane nian. Liután ida ne'e, respondente sira fó énfaze katak sira iha tauk bainhira publika kritika sira hasoru igreja, hodi antesipa kontra ataka husi ofisiais igreja nian no mós públiku. Tendénsia atu halo tuir de'it narrativa sosiál dominante ne'e mós perpétua, tuir respondente sira mai husi menus abilidade iha setór media hodi avalia evidénsia independentemente ba presau bo'ot sociedade nian.

6. Impaktu perzistencia husi misinformasaun/ disinformasaun

Mis/disinformasaun énfaze tiha ona husi respondente sira katak problema ida ne'e signifikante tebes iha Timor-Leste, no identifika katak período eleisaun nian nu'udar tempu ba narativa sira hanesan ne'e atu buras. Asuntu ida ne'e mós hato'o husi ofisiais komunikaun sira iha governu nian atu sai nu'udar foku política ida. Konseitu husi mis/disinformasaun refere nu'udar 'hoax' ne'ebé kobre termu hotu-hotu mak refere ba informasaun fabrikadu mak falsu, no mis/disinformasaun ho supozisaun ida katak informasaun sira sempre prodúz ho hakarak rasik. Instánsia sira ne'ebé persebe nu'udar maltratamentu ka asasinatu ba karakter iha media, ne'e mós konsidera nu'udar 'hoax'. Iha entrevista sira nota mós katak setór media nian konsidera mis/disinformasaun nu'udar dezafiu fundamental ba ambiente política bo'ot media nian, duke buat ne'ebé akontese lokalizadu hela.

7. Dezafius identifika Ona Bainhira Intensifikasaun Konektividade Dijital

Pratikantes media nian no mos representante sira husi organizaun siviku nota tiha ona katak, antisipasaun ba kreximentu konektividade dijital ho estabelesementu kabu-submarinu, liu husi projetu Timor-Leste South Submarine Cable, nesesita foku bo'ot liutan ba harii abilidade dijital, inklui introdusaun estratejiku kona ba teknolojia iha lisaun sira. Ida ne'e mos liga ho lei krimi-sibernetiku nian no medida seguransa ba informasaun elektroniku, presija haree diak liutan bainhira harii salvaguarda ba survelesia komputador no protesau ba denunsiantes sira.